

14
1666
21



1881

13

同

本

酒 影答影 辛丑歲七月

假還江樓再行埋中口 與彼安別 於王

車座送客 各處參軍 乞會 歌 詠二

良 詠二 詠詞 發 作與從弟

敬 答處參軍 讀 癸卯歲

姑春懷古田舍 止酒 停 癸卯歲

作鎮軍參軍拜阿 九口開居 已西歲九月

日 贈羊長史 還舊居 歲莫和張明府 乙巳

歲三月為建康參軍使都督 歲莫和張明府 乙巳

歲三月為建康參軍使都督 歲莫和張明府 乙巳

歲三月為建康參軍使都督 歲莫和張明府 乙巳

大 癸卯歲

詩

門
號 1666
卷 21

陶菴集卷第十六目錄

和陶詩

飲酒 形贈影 影答形 神釋 辛丑歲七月赴

假還江陵夜行塗中口號 與殷晉安別 於王撫

軍座送客 答龐參軍 乞食 連雨獨飲 詠三

良 詠二疏 詠荆軻 癸卯十二月中作與從弟

敬遠 答龐參軍 讀山海經 遊斜川 癸卯歲

始春懷古田舍 止酒 停雲 示周掾祖謝 始


作鎮軍參軍經曲阿 九日閒居 己酉歲九月九

日 贈羊長史 還舊居 歲莫和張常侍 乙巳

歲三月為建威參軍使都經錢溪 詠貧士 雜詩

歸田園居 擬古 時運 勸農 移居 和劉

柴桑 庚戌歲九月於西田穫蚤稻 丙辰歲八月



早稻田 大學 書
第 28.9.7 文
藏 書

陶詩集卷十六 目錄

知服齋叢書

中於下溼田舍穫 五月旦作和戴主簿 酬劉柴

桑 和胡西曹示顧賊曹 情貴 涉武 時

歲三民飲我如夢軍動時發發榮 福會士 較

日 懶羊身史 慰舊恩 歲莫味聖常計 了

外險軍參軍發曲河 大日問氣 五酉歲武凡

故春對古田舍 山西 朝雲 示恩料麻橋

將 答顧參軍 蘇山發聲 遊採川 突

身 福一前 福博神 突明十二月中外與

軍到發容 答顧參軍 了會 彭雨歐冷 福

謝對工對文計望中口氣 與建晉文風 飲

分前 汗眼濕 漫答沂 帳弊 辛丑歲十月

味 謝信

陶菴集卷十六目錄

陶菴集卷第十六

和陶詩

和飲酒二十首

辛巳杪冬客海虞榮木樓賓朋不來霰雪蕭然唯
蘇氏兄弟和陶詩一帙連日吟諷因舉酒自沃次
韵飲酒詩如左蓋亦陶公所云閒居寡歡紙墨遂
多者也

我生勞造化如器陶埏之一入圓方閒永離胚渾時縱心
觀虞唐履運傷今茲憂樂兩糾纏孤胸積羣疑沃以一尊
酒形影相攜持

平生麋鹿姿結愛林與山誤懷濟物心汨沒俗中言一經
如法律亭疑三十年彼哉曲學生功名已流傳

鍾期不常有我自得其情營道亦干祿入世仍逃名蕩蕩

宋華子莫知魯儒生如醉被雷燒此骨不受驚清狂卒如
初嚙嗟將何成
飛鳥銜我髮是夕亦夢飛飛遭金丸翼塌心中悲車舟
有役夫夢醒心依依憶爲南面王悔使魂魄歸夢覺兩相
羨更迭爲盛衰未辨覺非夢歛矣休倚違
朝光入山樓棲鳥已驚喧攬裘曝新陽暖氣無頗偏仰視
天宇清得我簷壽山山中出岫雲變滅何時還我心正惆
悵默與風鈴言
聾明而聾聰尙存一者是是非兩變易乃復成聾毀深居
觀物態至竟爾爲爾蚊眉棲蟪蛄厠床幻錦綺
挂書在牛角仰面思豪英虎爭一鴻溝割棄父子情舜禹
安在哉所持奪與傾蕭條二千年不見岐陽鳴痛飲呼豎
子斯人豈狂生

白雪豔清冬流風送餘姿梅花獨先覺蓓蕾動高枝巡簷
一笑粲所得乃經奇艸木有雕鐫我心無思爲一悟眾妙
門曩然脫羈羈

吳趨百貨集日中市門開輕重各相得龜貝俱滿懷一夫
操尺璧堅臥與時乖問子何高尚又復非巖棲什襲誠已
勤不如薦塗泥答言萬乘寶貴與連城諧捉裾使爾觀我
甯懷寶迷一市更俳笑拂衣吾將回

北山頗孱顏陟自城之隅風急毛髮寒四顧多荒塗一笑
語山英我至爾勿驅逝汲清冷泉浣此憂患餘高棲斯可
約豈必神麗居

戰伐揚兵塵飢荒殫行道懷哉漆室憂髮白豈待老酌此
三雅杯如雨洒枯槁枯多雨未足一概色亦好丹砂何時
成天地祕鴻寶置我塵壒間商歌望八表

萬馬脫轡頭豈有獨立時舉世尙鞚我亦繡其辭顧念
古人心將無不在茲微言較分寸中蘊邱山疑長嘯上東
門恐爲時俗欺安得蓋世雄障江使東之

醉鄉無町畦我亦踐斯境陶令終日醉次公終日醒醒醉
盡稱狂醉者得要領生平鈍如槌觴至便脫穎猶嫌醉鄉
人身後名炳炳

我從嚆水來新知喜我至我從琴川歸故友邀我醉新故
兩相於何獨安卽次本追河汾遊不慕主父貴至言如醪
醪咽之有雋味

逾壯添一丁酒徒飲我宅醉歌尙盈巨殤去杳無跡古來
大聖人乃衍螽斯百豈無襄陵鄧亦有香山白此理茫昧
然而我何歎惜

我有小弱弟授以田何經經史略上口羽毛新欲成與作

百里別每歎寒暑更嗟我貧負米嗟汝勤趨庭祝汝勿學
我赤霄奮雄鳴孤雲飛寒原鶴鴿有深情

至樂走馬獵好之能發風君看日月曜自在金庭中聖人
守中規塞極乃得通所以苦縣言天道猶張弓

少小味義根探珠云可得歲月難把玩冉冉向不惑墜緒
旣微茫賢關屢開塞一室且蕪穢況乃活邦國逝將耕守

田稼稽在元默

我友兩三人天枉皆未仕覃思頗追古苦節洵求己彼貽
君房言我懷貢公恥何知彈指閒相率赴蒿里使我爲塗
人學問失綱紀老驥疲欲休修軫浩無止俯仰百慮煖耿
耿或可恃

我愛陶夫子逸氣含清真遺民耦柴桑默語如飲醇有時
荷鋤歸悅喜良苗新薄醉便忘天急觴欲推秦後此李謫

陶菴集卷十六
仙胸中亦無塵王侯輕蟬翼紀叟獨殷勤以我學二子頗
覺風期親有如桃花源漁子能問津傾壺就釣罟漉酒栽
疏巾安用聖人爲臣今中聖人

和彤贈影

海鯤能化鵬麥有爲蝶時當其鵬與蝶故我豈戀之如何
我與爾百年拘係茲雖非膠漆堅坐臥如有期不見爾去
我爾又無畱思日月兩跳丸俯仰情悽而去去躡紫庭愆
室恐受疑屋漏如可昔爲我商一辭

和影答彤

一鏡持照君盡見君妍拙餘鏡復照我鏡鏡皆肖絕君我
同鏡華等無可喜悅念居歷劫中幾聚還幾別君清我之
明君沒我之滅終無至人術水火不濡契感此相因依微
分爲君竭木葉將幹散一視無優劣

和神釋

我在天地間肖貌則斯著刀匕利可滅我獨無新故譬造
土偶者泥水相依附泥潰復歸土曾聞管人語今我與二
子假合爲同處我動爾豈知爾行我仍住生滅一曙間那
復由氣數多君束縛我遣作間家具冰炭成哀樂波瀾生
毀譽如今棄不將不待將不去禪家有死時將不去之說猛虎在山林
獨往無怖懼至人如孩提不學兼不慮

和辛丑歲七月赴假還江陵夜行塗中口號

昆陽舟中遇雪作

歲暮多烈風同雲復冥冥邈迴百里間亦似千里情憶我
寒梅花茲晨笑柴荆喧啾下鳥雀剝啄來友生豈知孤篷
下一笑雙眼明泱泱文漸流遙遙巖岫平舟重旣晨發路
迷且宵征所欣豐歲祥農扈可以耕兼悲凍死骨不見蔓

陶菴集卷十一
艸榮一觴酬袁安媿爾千秋名

和與殷晉安別

送天河令徐孟新

臨岐多淡然別後心長勤
況茲萬里遊隔我平生親
綵紛入膠庠得子成芳鄰
俛仰二十年不異夕與晨
循道豈有殊眷此行藏分
我居子獻策荏苒踰冬春
人歸筮盍簪客去詠停雲
章縫及銅墨笑談阻清因
所願酌貪泉不改吳生貧
上言敬皇休下言撫烝人

和於王撫軍坐送客

再送徐孟新

我筮遊西江春盡花艸腓
竹間墜猿狖木杪聞催歸
子今行此道我夢猶依依
夢中與子行既覺乃乖違
交淡欲無言事歡宜塞悲
羣龍今滿朝火辰揚其燁
羸糧兼策馬尚

恨功名遲贈子青蘭花以當瓊玖遺

和荅龐參軍

三送徐孟新

宜陽蠻蜚國頗習中州言
蒼山擁縣城隱几如邱園
閑咀馬檳榔靜詠春陵篇
喧喧銅鼓中琴歌獨悠然
我欲往從之奮飛無階緣
佗聞嘉政聲憤懣當一宣
吾家老涪翁清風滿江山
將子畱妙染餘事垂千年

和乞食

方朔雖長身侏儒頗笑之
貧欲去揚子避席反遜辭
嗟予累口腹此日貿貿來
堂下設麤食筵苴置殘杯
對之駢我顏強詠衡門詩
事事遂淵明獨如彼寡才
才拙性復剛我窮真自貽

和連雨獨飲

影與我爲雙無解此笑然孤斟勸我影終勝監史間缸花
豔深杯起舞踟躕欣感兩何爲我上不有天天豈讓一
夫久處安排先乘流且安行遇坎當徐還庶幾風波中養
此艸木年不見桃李花去去無多言

和詠三良

忠臣死社稷忽若鴻毛遺不問棄髮膚下薦螻蟻微堂堂
百夫特殺身奉恩私清血沾便房遊魂依總帷小節亦何
有君德良已虧不見蹇叔徒黃髮各有歸蒼然墓木拱死
豈忘塞違遺風旣墜黷容悅更相希託泣與佞哀生作牛
山悲吾誠愛吾鼎不願衣人衣

和詠二疏

仕宦如飲酒酒半當辭去環坐式號呼甯復有佳趣二疏
管在漢抗志黃鵠舉天子重元寮儲君惜賢傳蜚遯竟超
然歎息動行路便夸毗子登隴左右顧進慕鐘鼎羶退
邀朋黨譽白首纓華簪此豈真急務陶公棄五斗千載符
風素高車感傾覆曠語發深悟伊子老匹夫無復羈縲慮
富貴倘不免斯理久昭著

和詠荆軻

六國本蚩蚩弱姬而爲嬴葑鋒指督亢太子呼荆卿雪泣
視日影戴頭入咸京金注豈再擲不待彼客行秦強資盜
馬楚霸用絕纓馭士以度外能屈四海英憶昨燕市上劍
歌有雄聲狗屠與漸離皆足托死生拈掇若不廣自致匕
鬯驚丹誠昧大計軻亦負虛名客中有此奇寄在何門庭
早進黃金臺當值數十城在燕非一管臨發乃經營豈唯
劍術疏好謀不好成千秋博浪椎一擊非凡情

和癸卯十二月中作與從弟敬遠

偉恭初爲博士弟子作此示之

毛義非通人意與當世絕撫茲劬勞願衡門未能閉寄會
漂母餐養高袁安雪進退欲如何終然抱孤潔今朝講肆
開俎豆爲爾設躑躅媚學子遊戲亦可悅所願遵周行壽
修有芳烈旣擷三春華仍存貫霜節吾衰甚矣夫邱園將
收拙不見同人交語默本無別

和荅龐參軍

送侯生記原遊北雍

養真衡茅我讀我書瑤珠玉璇斐然清娛豈無雅曲駭彼
爰居子非侯芭載酒吾廬子有羣從維席之珍穆醕酒
不可疏親艸木同臭矧伊喆人一室邈然天涯比鄰嘉運
邁會撫情孜孜天閭旣開將子謁之策爾名驥陳我侷詩
嗟老羞卑亦匪我思緩子旬日終當離分子迳行矣謝慙

招欣屹屹燕臺亭亭吳雲豈必風翻嘉聲遙聞八音綢繆
黃鐘獨鳴臯盧先得陋彼撩零祈祈國胄集於上京鶴起
爭高龍盤靡甯陶陶朱夏颯來雄風六翮旣有在盈宜冲
抗手一指鼓琴三終爰贈爰處各敬乃躬

和讀山海經十三首

陶詩多遊仙語坡公讀抱朴子和之子讀陶隱居
真誥有感聊仿兩公之意

今日晝景清雨翻蕉葉疏眞氣一回薄虛白生我廬緬懷
千載人授記得奇書中苞仙五品苟載鬼一車華陽有高
隱靈筆勤記疏開帙再三歎我豈火宅俱願學張激子闖
然遇山圖慧業有先後精誠或相如
隱居高蹈士長揖賓龍顏靈風結遐想駐彼無窮年千秋
征虜亭不遠句曲山吾欲劇醪醴誰當餐至言

我聞興甯中龍書滿山邱許君及揚羲靈氣相與倚真經
有淵源此書導其流逝追長史轍改字爲遠遊
仙人紫清如偶景匹陰陽假合夫婦名二曜同久長凡夫
想搔背終不見神光咄哉張陵術誤人赤與黃
短世積悲愁愆房生愛憐舟車載人罪送入羅鄴山高眞
發慷喟嚙嚙有苦言世智等蜉蝣不思龜雀年
吾家子陽翁服餌兼艸木頽齡九十餘忍死臥空谷朝剝
桃皮食莫赴黃泉浴丹成入霞門玉晨光照燭
阿映初得道百鬼來太陰周魴嚴白虎捕詰紛如林人馬
忽驚散空中有佳音火鈴是何物旌此勤苦心
荆棘滿人世中藏火棗長荆棘出火棗啖之亦尋常鸞音
倡作曲鳳腦剖爲糧來去若飛鳥遊戲天中央
天地管崩分英雄競馳走秦項與曹劉百戰爭勝負下視

山澤矚渺然亦何有豈知賓四明坐落此曹後
琅花非一葉丹籙滿山海微形入空虛無在無不在十試
一不過退落俄成悔風火誠可惜日月不相待
仙釋本一機如月在標指因煩而領無此事出生死內欲
存中黃外不遺踐履三官倘鉤破虛皇信可恃
青烏本凡材朱純實賤士直以辛勤故鸞輪爲之止高人
體蕭蕭視彼奴隸爾有心如右英得不許斧子
浮世眞肉人弄身忝仙才清都有朋舊聯袂望我來岐塗
與素絲舉目堪疑猜過此少味矣我生豈徒哉

和遊斜川

遊桃花澗觀水作

山行無壽期佳處輒小休愛此巖壑名慰我寂寞遊沿緣
一水曲目運心自流洄洑類修蛇呀呷如驚鷗尋源忽而

止惆悵復經邱邱中戴勝鳴關關互相儔農歌隔田水此
倡疑彼酬丈人吾師乎知有秦漢不枕流雖未能樂水且
忘憂顧慚濠濮趣天機猶外求

和癸卯歲始春懷古田舍二首

沈生隱居城南有地數百弓鑿渠通水雜植珍木
予與唐陳二三子以春晴訪之畱飲海棠花下遙
望夾岸桃花與平疇相映悠然樂之因取陶公語
名其亭曰懷新并題詩二首而去

在管間桃源漁人一來踐躡尋久未得愴恨豈能免番番
市南翁跡邈心自緬力穡同齊民傳家師上善手植千樹
花春至今人遠我行流水上心蕩不知返遊侶亦相忘綠
源弄清淺

舊穀滿場圃知子良非貧糟牀注春醪酬汝四體勤開軒

一笑粲莫適為主人薺芽花乳香鱠縷銀絲新咄嗟行酒
炙童僕皆欣欣中原有格鬪行子勞問津不能濟時代甘
與農圃鄰逝辭謝景夷來就劉遺民

和止酒

與偉恭共申戒殺之禁因戲和陶公此詩詩中有
云好味止園葵是公亦學佛作家

咎和岐亭詩見殺即勸止欲將不見聞攝入見聞裏邇來
縱鸞刀老饕何氏子譬彼剛制酒觸酒復歡喜默思喪亂
來冤魂呼不起糟豬恣咀嚼春磨無天理朱粲云醉人肉
如糟豬黃巢有
春磨是生皆惡死何分物與己己物既不分微命亦同矣
斷殺有頓漸梵網頓制鹿苑
以來毗尼漸制悲力無涯涘縱嘲儒入墨殺
牛遜禴祀

和停雲

黃文旦敬渝楚產也談性理之學兼通世務以計
借路阻紆軫過嚶抵掌而談有詩見贈於其行也

和停雲詩答之

密雲在郊憐其思雨瞻望金臺道路修阻傾蓋得朋孤琴
載撫爾驂既停我翰斯佇有晦者學千禩冥濛我障我疏
如彼河江月出皎兮談話西窗抗懷古初掉鞅以從春葩
躍林秋壑其榮子落華芬孔思周情於古有言斯邁斯征
尊聞行知以勗鄙生水有澄波松無改柯輿衛具矣式鳴
鸞和磬磬蒼生望子實多我亦枕戈如祖生何

和示周掾祖謝

夏鎮謁先聖廟作

此邦本尚武弦誦亦可欣投戈拜宣聖感彼歌風人地屬徐之
沛縣有漢高帝遺跡我來訪遺黎兵烽歲相因膠鬲隔荆杞狐兔競

來臻豪聖兩歇絕英圖竟無間延頸待賊刃拜跪良已勤
土人云今年流寇以三四騎穿土城而過居人奔避吾聞
不暇其不及避者皆長跪受刃不復敢以一矢向
古黔夫牧守祭四鄰淮海未云晏浩歎黃河濱

和始作鎮軍參軍經曲阿

過武城泊甲馬營驛村中秬米已輒居民頗有樂
生之意偶至野老周渭南家與之談有足異者因

誦陶詩云目倦川塗異心念山澤居次韵以贈渭

南

客行倦永久晨夕無可書此鄉風土佳宛爾吳會如青藜
繞場圃卓榭垂交衢中藏十畝園溝塍自通疏主人種瓜
者銀青莫冒紆丁壯合二耜兒童課三餘我非賈大夫思
與季主居冥飛學歸鴻樂遊隨儵魚不知誰迫我心跡乃
爾拘驅驅黃金臺愧爾南陽廬

和九日閒居

癸未九日寓京邸寄偉恭及諸親舊
羈心如秋艸方枯已旋生良辰過我壽端憂乃無名厲厲
驚飈嚴皚皚山雪明朝雁流寒影邊鞞動悲聲古之豪俊
人感此多促齡我獨胡爲爾尊開且徐傾平吟懷惠連默
對思公榮知音不在側何以訴中情願爲雙飛鴻羽翼不
可成

和己酉歲九月九日

晨風歛北林好音時一交聽之忽不樂庭柯已秋彫搔首
望薊邱策馬欲登高終風卷蟲沙萬里暄璇霄沈歎自騷
屑斗酒蠲煩勞酒半生清悲焚我腸胃焦遙遙知此心獨
有五柳陶浮名棄之去千載同今朝

和贈羊長史

請假南還經樂毅墓作貽同年二三子

七雄管橫鶩君臣相訖虞明明望諸君丹青照遺書金臺
久摧塌邱隴存舊都輒云土一抔峻截不可踰我來觀國
光艱難撫皇輿寤思明義存寐與精誠俱南轅過良鄉拔
劍心躊躇騎劫今在軍巖疆定何如乾坤日蕭索江海多
榛蕪問誰列周行翁習乃多娛壯士方虎步廟謨慎勿疏
西當封嶠函南請懲荆舒

和還舊居

傲衰已傷離望門反愁歸吾生如波瀾流坎皆可悲潛身
學閉關卷舌謝百非玩思天地心編刻古所遺真交二三
子相見語依依譚諧未及終急景已相催萬境如簷花當
盛便有衰童子勿弄影憂樂付一揮

和歲莫和張常侍

寒夜與所知小飲

朔風鳴枯桑寒冰合井泉萬物皆知時夫我獨何言翳翳
掩蘭室心思情已繁故人一來斯音旨良未愆問訊我無
恙單車度千山笑指青鏡中攜此白髮還莫景來飛騰儒
墨兩微纏坐忘先師訓無間送華年逝水昧還期菁華知
暗遷一觴且盡醉醉醒兩茫然

和乙巳歲三月為建威參軍使都經錢溪

送侯生智舍看梅西山

西崦有佳花首春烟霧積良遊阻塵鞅耿耿懷在管野寺
流晨鐘雲林矯風翻湖山光皎鏡千里如不隔之子天機
深平吟謝形役一持金石韵如與清賞易幽棕方惜勤況
復暫離析寄言山中人參取庭岸柏

山中有僧談臨濟禪智舍將從參學

和詠貧士七首

平生蹈正軻遇物心依依孤燈倚空壁思俗寒女輝力少
意自多如走不逐飛盛夏賦行役凌冬復來歸崎嶇何所
得所得寒與飢逝展丈夫雄永釋兒女悲

我興曠古懷不見義與軒章韞豈不好未能易邱園疲馬
愁路岐破劍銷炎煙曷以抗老飢道書讀且研南鄰不厭
子講德有微言原憲蓬蒿人誰謂賜也賢

孫登彈一弦陶有無弦琴宮商雖嚶嚶千載流孤音客有
為子言枉尺靳直尋軒渠聊對客酒貴吾不斟亭亭山上
松高節為眾欽輒云異語默而不同此心

朝得故人書緘題日在婁

鄭超宗同年寄書至

開緘酬十觴天未遙

獻酬杞國憂天傾羨婦恤宗周哀哉許汜輩乃懷田舍憂
赤風蕩中原飛鳥止其儔傾筐謀一醉已矣慙苟求

坎坎伐檀者乃在河之干山榛有深恩退隱於俗官吾道

若拱壁豈以買盤飧應知賢達人亦迫飢與寒清風灑空
虛永慕陋巷顏猪肝累鄉邑去去之河關
落花墜茵席其半隨飛蓬繫豈賦命殊無心成化工絳灌
排賈生何侯薦兩龔得失自在彼屈伸將無同默思塞翁
旨固窮有餘通逃富豈情與執鞭未可從
好遊非蜀巖亦歷四五州出處雲無心頗與簾肆儔滅釜
然孤炊投錢酌清流我生如百艸遑代春雨憂客來仰屋
梁有諂多不酬問我何苦心居貧宜進修

和雜詩十一首

劫風吹南山化作海底塵四大互騰轉忽然有吾身狂馳
百年中擾擾分怨親豈知冰炭懷靜與虛空鄰有生會歸
盡有夜會嚮晨星燈兩翳幻吾將問化人
精衛何其愚填海欲成嶺夸父持杖走猛氣逐日景彼爲

不可成至竟同灰冷予持一寸膠澄彼江漢永大明扶陽
烏螢尾滅無影儒門誠淡泊分道貴同騁身中艸賊敗信
矣煙塵靜

細物有蚍蜉撼樹不自量下士笑大道如路擬諸房翼然
望觚稜何者爲中央河汾稱釋迦龍門紀伯陽信美未探
本多岐誤羊腸

夸者爭榮名幾人能至老孔翠傷其尾明膏不自保中台
星未坼金谷酒將燥此時褰裳去豈非見幾蚤咄哉彼蜚
螂丸糞死猶抱相牽入甑門歎息復何道

拔劍登高臺曠望悲楚豫誰爲虎傳翼餒肉使騰翥厚下
有長策兵倉急可去如何截足趾而爲適屢慮惟水載覆
舟民情兩相如奔鯨挾駭浪跌蕩安得住平生湖海客高
臥恐無處棟折將壓人國僑能無懼

醜者自云妍言醜輒不喜無鏡百醜呈何與言者事刀蜜
不可嘗諫果有深意古來苦硬人我獨不相值飛光轉簷
宇流莫何其駛四十嗟無聞百念都棄置

正風何冲融楚騷淺以迫元封建安祖述遞阡陌波瀾
漲庾鮑酋帥雄甫白崎嶇文章境坐使堂奧宅吾觀道與
文不啻分主客永言思無邪性情有真宅

漢儒於六經寢食猶農桑千百存什一踏駁米與糠後人
恣揀汰適道資贏糧回幹侔雲漢條通儷陰陽我耕君食
之此意勤可傷側聞斲輪言冥會神無方林中日觀易如
舉瑤池觴

昨預曲江遊龍樓拜元端有詔推史才慙愧邱明遷貞女
恥自銜脛脛已華顛我豈利齒哉名可噉而殮東方隱金
門龐蘊空世緣季孟參處之志在淵明篇

高人夏仲御木石隱會稽兒撫賈太尉拂衣歸蒼崖阮公
稱曠達奇志寓詠懷竟造九錫文此穢天可彌君子終日
行不使輜重離應龍潛元關曷識翔與羈窳乎飄風旋不
消還不虧

鏢石始南薰折絲始微涼秋鴻隨陽來春鷺定巢梁喆人
見未形如矢來無鄉風詩戒綢繆周易謹履霜此意久欲
吐復恐吾言長

和歸田園居六首

子欲耕無田欲觀無園偶讀容城先生和陶詩云
安得十畝宅背山復臨淵是亦貧者之作也因本
其意和之使偉恭諷於座隅以為嬉笑焉

家無環堵宮子隨家大人
儼屋以居所至思買山何異俟河清人壽
期千年安得如古人采山復臨淵敬受十賚文賚以北阪

田巖棲高百層老屋餘三間湖江流東西竹木縈後岸中
央置講堂文史浩如煙歌風復蹈雅樂死忘華顛此意恐
蹉跎飛光去閑閑畫餅不可食談諧聊復然

樞馬貪棧豆至死困羈鞅涸魚縱老湫豈復有還想物性
限通塞喆人矢長往逍遙漆園吏簡潔彭澤長

顏延年陶徵君詠廉

深簡天全不求鑿性褊聊自廣脫略世教外報我以鹵莽

菊潭有甘泉飲者壽古稀華陽有真境遊者憺忘歸安得
乘飛輪靈風卷行衣選麗盡所愜研神永無違

村毗不解事妄意城市娛豈知金閨彥亦復懷村墟超遙
至人心適我成安居視世等塵露視身同樛株樂是蓬蒿
間中心常晏如東鄰牙籌多西鄰木石餘雅俗更相誦至
竟皆空虛爾有倘非有吾無豈真無

天道夷且簡人情險而曲乘雲招松喬高屋翹吾足

蘇軾詩翹

足高屋下柴桑有深意會者唯玉局酣歌豈足恃日月如
見羣兒轉爨冥靈忘春秋朝菌限昏旭

吳山如好女恣態浮綺陌往買二頃田飲河心易適梅開
玉雪眩風落霧雨夕五湖白浩浩攬取入簷隙花鳥吾友
于文賦爾僕役野老課耕牧家人勤紡績此意信悠哉夢
遊果何益

和擬古九首

嚴雪秀松柏勁秋彫蒲柳貞脆各有終金石獨堅久鬱鬱
復鬱鬱起坐思親友出門無所見入室斟吾酒山川多白
雲契闊兩媿負非無千黃金不敵寸心厚寸心豈云多市
道乃無有

朝見東日升莫見西日終咄哉長安毒懷之劇兵戎大禹
惜寸陰卓為天下雄千秋長沙孫榮木悲勁風往古去不

極來今浩無窮詎忍學艸木悠悠時序中

亭亭采桑女清光映城隅羅衣形纖手皎若春黃舒芳風
何飄飄薄莫歸重廬行子皆歎息願言與之居空簾隔星
漢白露委靡蕪淵意不可道蹇修定何如

步上姑胥臺悲風來大荒古墳何嚙曉下有黃金堂寶衣
化寒灰月露浩茫茫壽朝割據時復作繁華場侯王及厮
役聚斂歸北邙感此拔劍舞青山爲低昂秉燭方視夜歟
忽明東方我非好名人亦起羊公傷

秦王索趙壁舉國莫能完相如脫殿柱猛氣衝危冠歸逢
廉將軍煦嫗有好顏兩虎不私鬪丸泥封函關奄奄曹李
徒竟死持兩端如彼千歲狐伏匿辭杯彈道遠識良驥鳥
多知孤鸞惻愴無衣子誰爲共歲寒

弱年見承平自謂長如茲一從更事來世已非壽時雕虎

橫井陘黃流混澗淄仗劍出門去行行復狐疑路逢季主
儔問彼龜策辭龜策不我告黽勉自研思仁義心所安皇
天不吾欺瀉水置平地東西任所之撫琴操倚蘭亂之以
俛詩

華月澆閨景絲管含清和美人如飛鸞楚舞能吳歌歌竟
蘭膏滅永夜歡情多嚶嚶巧言鳥榮榮朱槿華華落鳥飛
去愉豔其如何

萬物互膠轄至人獨天遊太倉含稊米稊米含九州心棲
無何鄉水定橋自流纖塵點靈臺蔽翳同山邱堂奧開西
竺合轍推莊周斯言有妙理當以寂寞求

吾友夏子云列
子近仙莊子近

佛

崇蘭有遺芳幽谷行采采斯須落鮑肆坐覺清芬改脂車
適崑邱檣舟濟滄海日短道路長況復堪久待潔清存靈

神矢之以靡悔

和時運

再遊城南沈氏園亭作

翩翩同人藹藹芳朝非駕非舟卽彼近郊新萍泛沘溫煦
凝霄一雨如絲溪卉皆苗悠悠方塘我纓旣濯膺膺清
載遊載矚時節來斯悵如未足寓目成賞式陶且樂管經
魯邦吟詠清沂古人邈矣浩歎遙歸蒹香在懷獨弦是揮
豈有榮名投竿以追班荆蔭松指日吾廬雉雉登壘鷗行
烟如弟子撰杖先生提壺物我欣欣一歡在子

和勸農

惟我海壖雜居四民兼貧擅富滑其醇眞流庸失業旱蝗
相因易子而食幾如宋人辛巳歲大稽古農皇爰及唐稷
荒民相食無有舄鹵而不播殖吉貝麻麥功比力穡輒云療飢必需

鼎食有滄春興膏此原陸牛犁整齊男婦悅穆隻雞祭社
其至麀逐坐賈行商不如野宿博戲誠樂嵒難久居有
僮指出有鄰耦古稱區種十斛一畝棄稷弗務咄汝遊手
樂歲厚積凶猶勤匱有匱靡積汝復奚冀肥磽同疇勞逸
異至驗彼收穫情農斯愧同是烝民或生邊鄙燠爛有期
鋒刃是履此焉不思甌災一軌爾耕爾畬一變俗美

和移居二首

移家寓邱氏鄉園作

我營瓜牛廬君乃推大宅暑簷竹柏陰寒庇風雨夕一從
懶情來事事避形役不能理牆屋牽許均茵席身非漆園
吏遠廬如夙管來此誠偶爾去彼非蕩析
鄰翁天機深不讀書與詩我爲道今古巨學頗有之日出
長營營日入無所思青青舍北松識彼年少時見人無指

讓親疏竝如茲祝爾勿入城恐遭童子欺

和和劉柴桑

我經山澤閒細行每躊躕今茲荷天力靜寄田園居牆連
友生家竹映從弟廬流水周屋下雞鳴應遙墟閒訪齊民
術精微在菑畝井曰時一操習氣通勞劬賓階綠苔長蕭
徵禮數無去去久如茲人代自相疏默哂桃源人衣食煩
百須彼居既不出我往定焉如

和庚戌歲九月於西田穫早稻

伯父正字先生老於南晦種樹穿池皆有深意予
移居相近日盤桓場圃之間因仿坡公意取淵明
詩有及艸木蔬穀者次韻五首以呈

西郊青冥色在此長林端主人未梳頭先報竹平安風吹
雨衰時客來但遙觀獨行籬落中細斬惡竹還今年鶯鷺
蚤筍萌破春寒烹煖雜羹臠餽周貧難我來吟空庭高
興不可干橫空一縞鶴識此清癯顏此君本蕭蕭與世無
相關兩袖清冷風相對亦可歎

和丙辰歲八月中於下溪田舍穫

旄桃結水濱雀梅出牆隈我涎如飢咬飽噉兼袖懷園丁
裁接時巧與物性諧澆培三四年根高可棲雞曾愛花萼
好提壺賞周回再來見綠葉節序迅可哀舍南葡萄葡萄滿
架微花開清香落后酒玉山自傾頽野芳遞滋蔓野情無
張乖尋玩艸木性甘從山澤棲

和五月旦作和戴主簿

村居如修齋餅壘笑艱窮有時思雞豚往預社案中獨有
三畝園霍靡無凶豐新蕨蒼耆齒老韭延溫風閉門種蕪
菁可禦一歲終食肉智常昏采山趣彌冲堯禹眞父老未

謝玉會隆棄機從漢陰 矚齒懷碧嵩

和酬劉柴桑

芝菌含雲氣不屑生道周紫蘭本孤芳抽莖待素秋獨有
大宛麻扶疏繞西疇八穀性雖良能復勝此不服胡麻能
斷穀陶宏

和和胡西曹示顧賊曹

芙蓉開方塘晨朝倚輕颺有如翠幕中秦女卷紅衣元天
鄭樵云女
人以葵漬
一滴露夜氣杳微微浮榮笑朱槿假色羞戎葵
粉傅顏為假色我來高柳陰默坐觀盛衰畏此芳香散卻扇不敢
揮魚鳥日親狎怙悵歸田遲蒲荒菱復少池上合空悲

陶菴集卷第十六終

順德龍鳳鏤校棗

陶菴集卷第十七目錄

四言詩

題程孝直畫蘭 題葉石農聽田水圖

五言古詩

詠史二十四首 次韻和東坡岐亭詩五首 秋日
過子顯再次岐亭詩韻 再疊詩韻寄張元里 和
坡公歲莫三首 書懷寄奉常張篤棊先生 暑日
見耕者歎之 遣興三首 陳烈婦詩 偕子宣子
顯啟霖德符入西山看梅 望廬嶽 泊舟行江北
村落 送友人會試 再和坡公歲莫三詩 題娛
拙齋 送侯豫瞻銓部 送雍瞻赴南都五首 釋
褐後寄偉恭

陶菴集卷十七
四言詩
題程孝直畫蘭
倚與秋蘭植彼中阿有馥其花有黃其葩雖日幽深厥美
彌嘉之子之遠我勞如何
題葉石農聽田水圖
儒邪禪邪波瀾莫二絕澗斷潢輒知其意我嘗問之石農
之隈笑而不答彼何人哉雲中一鶴擺落華芬浩然天放
置邱壑中儒邪禪邪糟粕已夫吾師丈人田水可娛水流
花開水窮雲起於傳有之知者樂水
五言古詩
詠史二十四首
鸞鷺常特棲騷裹辭服箱古來俊傑人不托亾主堂六國

陶菴集卷第十七

四言詩

題程孝直畫蘭

倚與秋蘭植彼中阿有馥其花有黃其葩雖日幽深厥美
彌嘉之子之遠我勞如何

題葉石農聽田水圖

儒邪禪邪波瀾莫二絕澗斷潢輒知其意我嘗問之石農
之隈笑而不答彼何人哉雲中一鶴擺落華芬浩然天放
置邱壑中儒邪禪邪糟粕已夫吾師丈人田水可娛水流
花開水窮雲起於傳有之知者樂水

五言古詩

詠史二十四首

鸞鷺常特棲騷裹辭服箱古來俊傑人不托亾主堂六國

管崩分豈無賢與良青蠅飛竿旌讒妾踞瑤房屈原既放
逐楚事以任穰信陵見猜疑蛙黽遊大梁悠悠狡童心仁
義愁我腸逝言空國都啖會恣虎狼往車有折軸後駕宜
周防願迴目睫智一為辨圓方

至治合柔德大淵何油油吾觀五千言精意良可求孝文
尚清淨我人以和休絨冕事上帝几杖懷諸侯輕稅道則
貉偃兵世如周雲門雖未作函夏愴忘憂誰與用趙張網
密仍吞舟

瓦注自然巧金注自然昏注者豈有異外重亾其存智略
逢世資利欲汨本原貧賤生富貴富貴入甌門君子遠凶
德小人惑譎言不見楚春申晚節困李園

汜水據帝圖功高意已怠患此爭功人而難盡菹醢艸艸
叔孫生彌縫雜鄙猥遂令鞅斯毒流漫互千載漢在井田

亾漢亾族誅在卓哉魯兩生抱經竄山海

白起善合變首身乃分離蒙氏制險塞骨肉遭參夷李斯
非先王門誅所其尸王翦滅六國三世既隨之此人徇功
名快意無不為所斬恬飴蜜頭顱積邱坻謂天如覆匱天
道竟有知宣尼戒餘殃曲逆悔六奇明明周與召秉德千
載師

章邯將烏合禽滅數諸侯蹉跎竟失計刎首於廢邱泣河
不溢水負薪無完裘韓白諒不支斯人復奚尤不見陽和
至蒼鷹自化鳩

皇漢傳八葉殃源始椒房五侯連甲宅旌節夜有光大角
纏逆氣三辰失天綱便便文墨士桀犬吠中央勢重賢為
佞權移陰脅陽史臣謹災異可以告明王

燕昭管下士樂毅何賢哉雲龍歛然合豈必駿骨媒一說

連五國長驅盡東來殘兵哭濟西青社遂成灰戰伐天未
厭仁義我所裁明王忽不御貝錦入甯臺鳴夷待國士駛
騏賜庸才再拜黃鵠舉遺書使人哀

季子過洛陽買臣還會稽當時路人心盡是嫂與妻勢利
徵涓源陰權生甌梯達心亮先見寡識至今迷上蔡犬可
牽牽之若龍驪華亭鶴可聽聽之若天雞

建光失神阿柔雍遂盤據根株連紫房日夜興黨錮慷慨
二三公奮髯欲收捕虹蜺揚其輝牢獄竟填聚殄瘁憂邦
國烽煙逼王輅小人亦剝廬曝骨紛無數清議死不泯劇
賊尚瞻顧浸潯娛九錫未敢移漢祚至今襄城野突兀李
膺墓憤景入空蒼蕭蕭殺狐兔

淮陰萬少年王孫獨鶴起貪狼絆京索批亢無堅壘燕趙
既探囊三齊復折箠假王化為眞畫繡榮閭里响軀命亭

長為德何當爾再拜謝君王小人誠自恥豈知平生言恫
恫猶在巨窮鳥空入懷竟負鍾離子明朝走狗烹公亦隨
亾矣咄咄魯朱家匹夫猶隱死

闕于帳下卒泚水賁軍將立談獻奇策決勝良足尙外黃
一小兒燕壁一廝養全君與活國傑立萬夫上相馬遺元
黃相士收佃儻十步有芳艸斯言詎云妄

威獸未入漢郅支方挽强子公仗劍怒一戰殪戎王捷書
纔視艸効奏已成章大臣衡與顯搖筆侍巖廊臂詘妨射
虎聲頽坐貪狼何人泣李廣永毒壯士腸

吾觀哀平間二士心相於一士耽荒宴一士敦詩書一士
醉投轄一士貧拊廬若云任運妙一士良恢疏若云立德
善一士守其初甯知天下亂性命咸崎嶇虎啞不擇人鷓
飢不擇魚方信古人言亂邦不可居

猛虎踐機牙，刳屠在鸞刀。須臾決躡去，百夫不敢要。伯慎固名士，義真亦人豪。持節臨中州，奮劍清黃妖。仲穎小豎子，殺之如燎毛。時來生猶豫，事往空鬱陶。一變萬歲塢，再變當塗高。

飾勝爲嫁女，飾積爲賣珠。女棄珠亦投，我賤彼反須。鄒生述神怪，本與仁義俱。王侯駭談端，擁篲爭先趨。古道委榛莽，淫詞濫笙竽。遂令燕齊士，拭舌談怪迂。鮑魚腥沙邱，巫蠱亂鼎湖。哀哉一言失，臚傳多賤儒。

高岡至神鳳，此蹟曠千年。明穆豈不會，要非彼所賢。伯鸞初處室，耕織詠遺編。容裔來上京，超遙觀八埏。道消謝尼父，心結求魯連。避地固知幾，賃舂亦中權。五噫滿天地，轍入皋亭煙。

雲屋豔神仙，垂羅隔煙霧。玉階大桃花，無情亦見妒。婉彼

管與趙，故年將薄姬。逝存貫霜心，恥鬪朝日姿。雙飛旣連娟，獨立猶低垂。珠玉語塵沙，餘光莫照之。君弄啞啞笑，此笑甚於悲。蒙恩相顧問，貴賤隨聲移。感此一寸心，爲誦王睢詩。後世逞淫昏，燕燕吁堪危。

陶公經世士，擁懷在田疇。如彼江湖濱，頗代濟者愁。人無訪諸葛，我亦傲檀侯。寄此醉醒間，以聽時運流。如何噉名子，捷徑橫山邱。

神龍非騰蛇，伸屈繇我身。天飛苟無時，曠世藏其鱗。龐公生漢季，道與唐虞鄰。堂堂劉荊州，可望不可親。榻來牀下客，乃是隆中人。太息三分畫，而後知其因。

五馬旣南渡，亂流何滂滂。離石方墟闕，鄴都復獍狂。符開關陝竟，李割庸蜀疆。魚羊歌慕容，五將讖老羌。時來互驪首，運去爭履腸。南北斷如礪，漂流逮隋唐。彼以無道得，宜

以無道凶生靈獨何罪天問莫能詳

葦籥本伊耆玉尺傳周鑄化與陰陽流樂由和平造鄭女
若飛鸞秦宮象蓬島此時間正聲覺淡不覺好寶常師古
雅妙達逞妍巧同奏楊廣壽何人蒙絕倒

槐柳羅甲第松柏蔭邱園邱園長寂寂飛蓋自過門朝遊
子威宅莫入聖卿里結託要路津自謂長如此繁華如激
筋旣患無停波衣裾一輕撇悔來當柰何始信蔣詡徑求
羊可以過

越王戰笠澤兩翼分精兵還憶會稽時此曹多未生丁年
懷大辱白首定雄名蚩蚩燕太子剋期遣荆卿

次韵和東坡岐亭詩五首

坡公岐亭詩五首其第二首爲勸陳季常戒殺而
作近代和者頗多友人張子顯語予日子姑現老

齋公身而爲說法予勉應其意如坡詩之數

罟師貪得魚不惜魚化汁屠伯嗜殺牛不見牛眼溼嗟彼
殺業多所以遭汝得彼債旣已償汝憂差獨急微性憐朱
朱愚仁赦鴨鴨三品戒庖廚百籩謝巾罽獸炭與松明入
鑪平等赤象髓與韭菹入喉平等白深坐不橫參大歡不
洿噴敢邀天公憐庶免佛子泣靜念古賢人飢驅會常缺
今我餘艸蔬猶堪饗嘉客推此告同心暴殄非雅集

管有愚小兒垂死思肉汁世人與彼同談食口常溼大罰
方後隨無肴汝猶得胡然一晌甘易此人難急列柵囚雞
豚排籤戮鴟鴞驅驅黑業中何由發其羃我喜周生廚堆
盤葵蓼赤我念隋帝庖剖蛤毫光白爲生雖有累如僧但
加幘爲帝苟推心何異下車泣所嗟願力微不救世界缺
鸞刀啟烝嘗折俎供賓客大哉會時觀觀彼諸苦集

鍊炭辟炊煙肩玉煮微汁此人快意時有如魚在涇苦樂
更共之麤糲安可得明者勇持戒不異救頭急憐魚如金
魚憎鴨比花鴨心心生慈雲大地爲之幕念有天地來川
原屢殷赤人肉賤於狗所斬無黑白及今全盛時嬉遊多
岸幘當思酒肉臭足感鬼神泣魯叟管爾縫瞿曇補其缺
悲憫共因緣門庭相主客永然舍老饕來同蓮社集
嘗酌醒酬漿不貪鮓寶汁嘗挹朝夕池不戀泔灑涇五戒
空外空十善得無得放者尙云非殺者獨何急惜蟲翻縛
雞絞狸因飯鴨顛倒生愛憎何異蟹行幕今人遇勞瞪目
眩成紫赤及其視根還唯餘鼻端白悟茲空萬緣如風墮
輕幘無生自無殺無笑自無泣大明懸三光下照諸陷缺
殺心如一塵眾塵合爲客暴然冰釋時酒肆許汝集
張生靜者流初亦好米汁偶然逢佳賓澆灌必取涇以予

淡蕩人間懷忘失得敲詩銅鉢殷談禪筋鋒急禪頌舉斬
貓詩歌追射鴨殺活不可拘俊氣固難羈近知鯨飲非久
厭鸞刀赤箴規同周何倡和謝元白願合禽集掌無取獸
抱幘緬然識浪中悵矣楊朱泣誓將一指微堙彼河江缺
因舉岐亭詩恬吟諷豪客客勿笑其迂編刻已成集

秋日過子灝再次岐亭詩韵

秋堂展舊題長嘯呼茗汁清吹高寥寥新桐翠猶溼幽居
嬾可知萬事忘亦得看君掉塵鞅學道心最急高天瞻龍
鸞破竈遠鷓鴣畱客酒滿盆蔬果不用幕坐久林月生半
酣雙腳赤微吟管年句俯仰慙虛白似僧餘鬚髯爲儒負
巾幘漫興無風雅取代四生泣蟲葉鑄窗陰蝸涎篆牆缺
念唯酬故人何當問辭客多謝張長公斯文乃遙集
長公謂張元里

再疊壽韵寄張元里

新詩海上來拍案翻墨汁颯颯清風生泱泱元氣溼想見
含毫時妻孥笑相得龐公不解事度物何急急村社散雞
豚比鄰斷鵝鴨落筆無端倪追虛破蒙幕嗟予苦吟多不
見龜眼赤何當舉偏師背城搏韓白高談落塵毛大笑墮
巾幘一洗萬古懷不恤真宰泣秋風注糟牀餅罌卒無缺
尚有無味禪差足飽嘉客心與德操期鹿門斯可集

和坡公歲莫三詩

餽歲

秋禾頃不登糠覈忝為佐村中需半菽市上騰百貨風俗
有往來餽遺無小大哀哀迫歲除禮失安敢臥歎世者賤
儒憫默驚獨座民窮如抽裂官急甚春磨憂汝雙手空坐
看佳節過蘇公在今日鄉風不忍和

蘇詩落句云亦欲舉鄉風獨倡無人和

別歲

酒人方卜夜顧景患其遲魯戈挽頽陽西逝不可追夙子
肆娛弄心情蕩無涯紛然憂患并歛爾移歲時攬鏡瘦如
鶴遙羨雞鶩肥霜日到簷宇攬我三春悲悲來未能遣歲
復與我辭念念不停住能無催早衰

守歲

春風破殘臘溪壑驚龍蛇有如胸中物芒角不可遮感此
芳歲適健者夫如何阿姬命兒童我靜汝勿譁椒酒未盡
傾街鼓已三撾微吟杜陵句可怕莫景斜

杜守歲詩四十年三十矣勗哉今夕心十年豈蹉跎一笑問三彭此語將無誇

書懷寄奉常張篤棊先生

管公理吾吳我首未弁冕離蟲出試席公見為一莞謂此

龍之媒可使受羈紉我時先其儔色喜心內報文章足波
瀾經史異關鍵修途恐喫蹶欲到須重繭退復自思惟公
言敢不勉況今科目文堂奧甚蹇淺丹墀變空質青紫堪
立舉蹉跎遂錯料捫足無可搨踏事防觸蠶閉門學卷巒
一鬼笑不休三年涕常泫念彼荷受者丁年備菟獮致果
敵王愾足使微分踐不然農屬春竭力事畎畝田毛供粢
盛亦免顏狀覩嗟我敦詩書所得較彼鮮邪徑羞偏側古
道守巉巖奉檄者何人心焉痛如割側聞公南來車牛已
加輾終如被凍蠅奮翅隔門限仰視滄浪天飛鴻落我眼
再拜寄一言心勞未能展

暑日見耕者歎之

我行適田野火雲何盤盤農夫荷鋤過揮汗流倉篋側身
還讓畔敬我儒衣冠見此發深愧我何良自安憶昨經高
門涼風韻琅玕八珍將九醞暴殄非一端席間行炙人也
復沾盤爨豈知力耕者秋至有飢寒鞭朴晝夜加骨肉晝
夜剝驅驅六合內數步殊悲歡天豈賤稼穡此人難復難
誰爲撫循吏偕之隴上看

遣興三首

雷殷后土溼人表何濛濛艸芽青未已麥爛多生蟲老農
坐咨嗟種數漸不充願爲蒿下雀飛去空倉中飢死情雖
難追呼跡已窮三歎語府王管處何其豐

憑高送春日氣霧何霏霏軍書頻點行健者皆不歸奔鯨
駭中州鑿齒窺天畿蕭條楚豫間人瘦烏鳶肥管年豪俊
人喜見海水飛豈知東山客惻惻心多違

著書茨簷下花落滿窗扉雙履懸一壁二儀翫十指雖慙
王霸略幸悟損益理古之閉關人心尙或如此有客笑啞

陸都集卷十七
八
啞寂寞徒爲爾不若看雲霄黃鵠去何已

陳烈婦詩

烈婦者吳江士人張士柏妻夫死守志依中表以
居夫兄與市魁徐某善逼令易節不從徐乃篡取
至家欲污之烈婦以死拒得免訟於邑令章某某
先受徐愬且有高下其手者遂誣烈婦曰若適徐
三日徐已定情矣今復欲背之邪婦恚憤以語觸
令令繫烈婦獄欲逼使歸徐度終不可乃出之會
御史路公振飛按吳烈婦偕其父赴愬松江路仍
欲下其牒吳江烈婦曰若然者吾節不白不如死
公歿乃出白刃自剄路亟命救之血已湧然流矣
視其衣皆縫紉百結蓋先爲必死計也予聞而哀
之爲製陳烈婦詩

嚴雪秀松柏芳風扇桃李結根兩不移貞麗互相鄙婉婉
吳江婦束身事君子端音夙所尙淑貌詎敢毀永言同一
儀作配齊終始

歡來無退期感至乃兼常翩翩翰林鳥失一難爲翔金鏡
揜虛室瓊琴謝高張抱命死有歸故雄安可忘六親既單
微匹婦易周章

覺生蕭牆邇義動金石固有狐來綏綏無梁速我渡瓶爾
致素辭爾言何乃酬雨絕無還雲河流豈西注疾風振微
綃可裂不可污

共姬方待火公孫強委禽箕取歸其家昏夜相陵臨抗憤
呼昊天天高鬱沈沈如葵終衛足匪石豈轉心欲堪讐人
胸而柰力不任

握蘭墜鮑肆懷芳復歸來摩娑金錯刀微命待汝裁所未

明貞堅默然良獨悲甘棠有陰訟鉤距間良才匍匐懇邑宰激涕成瓊瑰

節義喪世久羣醜憎孤妍曾史誣以盜躋跡日以賢矧茲幽闔中沒齒誰相宣簡墨置我旁伍伯夾我苒擧頭竟戴盆欲雪何因緣

盛夏飛嚴霜清晝鳴鴝鵒夫家問新婦爾志可改不一齊空有言二庭乃良謀答言微志存至死明薰猶挾長復持短餘哇通大幽

昧旦起翦皇翦皇復躊躇煩攔及衣衫縫紉連裙襦側聞繡衣使持斧來東吳薄言偕吾親赴愬百里餘懷哉報所天行矣畢賤軀

厲厲心如丹皚皚氣成雪峩峩堂上冠溌溌庭下皿妾身既分明一瞑從茲決貞風非外獎哀響絲中切管此道路

觀媿彼萬夫傑

偕子宣子灝啟霖德符入西山看梅

流舟清川淚山氣一以佳朝瞰射谷口蕭蕭生煙華左林積繁霜右渚揮白沙客心大無賴耳目生豪奢

躡步虎山橋平湖白浩浩霧斂遠峰出風輕片帆好感彼鷗夷皮我生何艸艸濟勝亦不慙芒屨足幽討

山徑塢蛇腹花深行每遲籬落互開遮松栝相蔽虧挺挺大夫間秀此冰雪姿獨立信有鄰晚芳詎無時

日高飢鳥嘯谷靜疏鐘度梵宇壓屏顏欲上仍倚樹山僧拙逢迎惡艸爲客具佛日誠可貪奈爲春色誤

班荆羅酒漿選石坐奇偶四顧萬瓊瑤一朝落吾手山農日住山真賞不能有輟耕觀狂夫彼此笑開口

巖洞有佳名躋攀生崎嶇相顧儔侶閒清冰夏眉鬚樂幽

未云遠歷險良已思稽首告山英畱我雲一區

望廬嶽

我生癖山水蠟屐饒幾兩十載思匡廬髣髴勞意匠揚瀾
左里間歸棹今始澆大澤收煙虹青天削屏障堂堂韓白
軍落落侯伯狀變化根虛無尊嚴合雄放朝昏無端倪欲
語但惆悵三日經潯陽一雨助清漲雨止生白雲山山氣
騰上劃然躋巖腰絲互億千丈如彼萬國琛明堂受無讓
笏豁四五峰偃蹇失背向一峰獨中立肅穆類圭瑒忽見
白龍飛乃是巖瀑颺想象萬壑雷壯夫色彫喪羈遲千里
外心迹兩遭妨近愧猿鶴幽遠慙仙釋曠名山如故人欲
別手難抗夜夢騎茅龍陵歷頗奔壯晨興獨長謠懷哉未
能暢

泊舟行江北村落

唼唼田中牛飛飛田上鵲老農分稻針仰視雲影落荷葉
引桔槔麥路通略約鄰里更叫呼山歌應林薄客本江南
人厭聞江北惡牛犢化刀劔雞犬遭殺掠茲焉偶盤礴幽
意了可攫舉策數隄柳褰衣弄場藿佇鳴邱中琴靜想林
下酌始知干戈地別有耕稼樂居者焉得知悠悠向寥廓

送友人會試三首

坐君新堂中餐君脫粟飯不語知將離浩思一以滿悠悠
西笑多渺渺朔塗遠櫪馬嘶有聲青陽近將暖丈夫憂黎
元攬轡安得緩悵望東山雲無心已過巘

燕雀從風飛劃見孤鳳皇竹實未肯食矧云謀稻梁空名
滿東海一金不盈囊魯肅旣指囷鄭公方治裘拔劍爲爾
舞飢寒亦胡傷高歌隈臺酒彎弧射天狼

交知滿我痔有懷未敢吐與子平生言悽悽豈無故古調

辭巧彈直躬羞跼步惆悵梁父吟中宵各狂顧白日曜陽
林商颺吹海樹隔我雲與泥相思夢中路

再和坡公歲莫三詩

餽歲

呼童賒歲酒酒至無可佐有客能分甘闔如到奇貨承筐
兔首尖挂壁猪肝大旋祛釜上塵聊免雪中臥念自飢荒
來怪事傳客座樹皮填腹腸人肉出春磨安得中山醪顏
然千日過感歎故人情獨謠仍獨和

別歲

六驥馳九衢驥駛影反遲如何歲月徂有驥莫能追日子
結髮來意廣心無涯下言砥媚學上言匡危時鼎鼎三十
年不慕輕與肥所以濩落久亦無老大悲我如主人雷歲
如行客辭願同松柏堅庶免蒲柳衰

守歲

火辰曠明暉歲乃狂龍蛇我持人子身聲影兩藏遮此夕
飲藍尾親歡復如何座隅有季弟覓棗聲喧譁一脚跳虎
子兩頭持鼓搥家督顧之笑起視斗柄斜幼者行復長長
者已蹉跎詩成中弟書聊與僮僕誇

題娛拙齋

禽巧莫如鶴巢成鳩得居人巧莫如匠身蔭他家廬謂此
二物巧斯言豈誠與拙莫於愚公巧極於眾狙狙詐明所
避守拙樂有餘君家黃山中先世多藏書載書到膠水一
塵寄菰蘆尊有濁酒香餅有脫粟儲胸中謝機利日覺心
神舒拙用何囂囂拙效姑徐徐我吟娛拙詩詩拙復何如

送侯豫瞻銓部

賢達不妄出忠孝從所務靜爲南陔詠春暉滿庭樹遲迴

陶菴集卷十七
方北征搖裔復南驚曠野臥杭稻嚴城墜霜露舟車奔王
命晨昏難久駐大哉豐沛都建立甚完固天塹浩呼洵龍
虎鬱盤互選部貴清通英僚接鷓鷯明明水鏡姿觸事展
心悟天下今未平此邦困征賦識者推其源頗謂舉劾誤
夫子敬王猷秉哲佐當路既精山公鑒彌深康樂趣遊盤
值休浣灑落命毫素況間迎養期斑綵及春煦哀哀長安
客此樂誰敢妒蹇予方闕觀嗚嗚守章句躊躇十年心豈
其雕蟲故赤霄奮鸞鳳白水困鯢鮒雖然異賢愚敢不懷
散聚天海莽空闊飛沈終一遇此意緬縱橫驪歌歌日莫
送雍瞻赴南都

天馬有逸步大鏞無卑音志士懷令猷穆哉兼濟心似衰
迎修景遊矚帶陽林驅驅指京洛文物鬱峯峯

峯峯晉城闕窈窕吳山水東南富形勝環海同書軌王風

被中區大雅方盈巨義心纂古調神聽唯君子

君子共情素結言在貞堅攜持申篤好如彼軫與弦營道

賞彌真遭物心詎遷嗟予集于蓼端憂望雲天

雲天既開豁雪雰亦回互悠悠俗化訛明眊疲當路紛吾

漆室憂仁子金門步磨治鼂賈言滌蕩鄒枚賦

鄒枚固懷祿鼂賈亦昧時時哉無卷舒安用賢傑爲磷緇

既云謝溫潤宜有施攬轡良自今古訓以相貽

釋褐後寄偉恭

崇禎十六載南宮開選場當春寇未退計車頗笏皇詔用
秋八月廣額登俊良帝御皇極殿發策垂天章揆日唱甲
乙釋褐遵典常予忝平流進法得授曹郎休假未獲請思
親淚滂滂今晨南雁飛數行寄汝勿念與汝別時燁爍侵
衣裳斯文蘇陳輩鷄鵲互攜將葑登三詔巖慕彼鴻鵠翔

陶菴集卷十七
既讀客城詩永懷百鍊鋼帆力疾脫兔歟忽過維揚淮水
方暴漲訇哮雷聲長長年盡股票尙有覆水航河伯句我
命奪會飢蛟腸亭埃孤屹屹河之水湯湯上有團團天下
有古戰場捩舵漕河口十里一澤梁下流若地窖上流若
天倉豪髮一失勢叩頭不可禳漸近梁山灤飢民惡如狼
進退正惶惑間賊破武昌故相伏劍死烝黎墮沸湯中夜
仰天歎星月無晶光我行將安之魚爛四海瘡稍尙過任
城濟陰遙在望水木類江表幽探暫相羊傳聞寇據突獨
畏孔子堂想見絲竹聲魯壁尙洋洋上嘉魯連子下思馬
賓王一矢誠倘儻萬言亦琅琅陳迹鬱連連清源接幽滄
大都焚蕩後物色難具詳入都秋蕭騷疾風卷高岡挂壁
略見蠖鳴籬絕無螢子病癩終試誰使強激昂友生劇天
倫可惜遽分張座主山陰公風神照巖廊清冰絕汁滓大

珪不斲方賞我金石韻協以宮與商知我負烈氣勉以桂
與薑顧予慙曩賢公乃韓歐陽伏覩天子聖自責如禹湯
其驩伏四罪熒惑移災祥臨軒徠茂異皇盼爲悅康惕息
朝內士曷以贊虞唐眠食今粗安酒醕三四觴赤側漸辭
去借貸聊充囊最苦羸馬頭蹠蹠塵沙黃閉戶學罄折出
戶旋已忘顧惟倔強姿不恥溝壑僵安得棄生平如彼轉
糞蟻所以公卿門干謁竟未嘗餘外順坎流不用強論量
親尙雖奉書苦語總遮藏汝爲從容說慎勿使憫傷時方
掄史才儲國之棟梁爭門或迨指此態豈可當我欲拂衣
歸齋持一月糧舊路不可行匹馬從東方吳雪雖苦寒不
敵薊北霜豫畜明鐙檠照我髭鬢蒼一言先語汝努力學
佐王黥別謀補息如我事已忙泚筆再三歎霑襟涕淋漓

陶菴集卷第十七終

順德龍鳳鏤校采

陶菴集卷第十八目錄

七言古詩

閻立本畫鎖諫圖歌 周文矩嵇康彈琴圖歌 少年走馬行 首春將之江右張子宣德符拏舟相送入郡西諸山遊陟數日因為醉歌 小孤山 送侯氏五子赴省豫章 野人歎 三弦曲 江南春二首和倪元鎮作 云渡上人別久過訪并示近詩喜而有作 北客行 何孝童詩 贈萬寰中鍊師書懷寄侯廣成學使 虞山喫虎肉作 贈武林陸麗京 諸同人攜榼來就吾家賀余舉子戲成雜言一章 邑中團練士著侯雍瞻要予偕諸人往觀因集仍貽堂即事有作 白鸚鵡歌 豪鷹歌 虎圈歌 賣棗兒 燕姬歎 廟鐙二市歌 續麗人行

次坡公韵題美人照水圖 陶公歸來圖詩次劉靜

脩先生韵 霜哺篇 附

次坡公韵題美人照水圖 陶公歸來圖詩次劉靜
脩先生韵 霜哺篇 附

陶菴集卷第十八

七言古詩

閣立本畫鎖諫圖歌

松圓詩老鑒別殊視我唐人鎖諫圖誰其畫者閣立本
絹素完好精神俱畫中髣髴在離石雄姿風氣鍾佳雛白日
雷霆縱遊獵青春臺殿收名姝刺天甲觀不時起老臣元
達昧死趨一陳蒼生愛膏血再陳先業由勞劬三陳兵疲
及人怨皇矣漢祖誠師模殿上頽然變顏色橫眉力士來
虎驅扶將下殿赴砧几速令鼠首懸高衢可憐此臣亦狡
獍銀鑰先貫腰臂粗攀樹情知勝攀檻震威不得撓其膚
怪事宮奴傳入內蛾眉冉冉來椒塗口吟舌話未及竟遙
看霽色浮眉鬢我觀此畫三歎息筆之所到與史符畫手
生年亦奇士凌煙曾貌英衛徒貞觀致治壽代少魏徵直

陶菴集卷十八
諫天下無田舍老翁恨欲殺明德一言天笑愉厥後賢妃
諫薄伐疏草質直如盤盂惜哉弦在矢已發豪釐一失千
年徂玉關西開瀚海沸馴至邊鎮生憂虞乃知進圖寓諫
諫近思遠慮皆區區使知僭國重補闕何況聖朝疏廟謨
小臣賤妾蟻與蝨務合一盡其愚粉墨丹青向千載城
傾國破如斯須陵空想隨金盃出蹟真不比蘭亭摹何當
持此獻密勿萬有一補良非迂萬有一補良非迂丈人收
藏姑自娛

周文矩嵇康彈琴圖歌

蕭蕭撼撼萬木聲月落未落餘古檠窗中一人天骨清好
鍛以外琴理精素手明徽相與善彈出生平廣陵散本是
孤音世不知未經形解仙猶遠風磴漠漠山精寒簷肩縮
頸來路難子期師曠索儔侶凝冰焦火生愁歎影逼窗苒

復靡徙一鐙吹滅去如水他年魑魅畫含沙與子爭明非
此鬼君不見孫登有琴唯一弦彈時響象然不然

少年走馬行

秋風入城秋艸黃秋天如水秋郊長少年跨馬蹋煙去楚
製短衣身手強榼榼銀鞍行道左人馬安閒見者情側身
忽若鷗翅翻纏結鞍韉無不妥城南古水橫匹練劃見晴
空飛紫電去驚白日追四蹏來羨長風牽一線玉鞭雖長
不及催無塵有影真龍媒杜陵野老色惆悵見此何殊天
下材去冬萬騎抵京室官軍馬遲渠馬疾大冠修劍不枝
檣血流有似陳陶澤今年邊騎捆載歸諸將論功更不疑
青禾白豆豢驚馬飽食只怕邊風吹安得少年不愛死驅
此萬匹向燕市直出榆關發三矢走馬歸來只如此

首春將之江右張子宣德符拏舟相送入郡西諸山

遊陟數日因爲醉歌

春風作花滿江縣行子衣裳帶冰霰
黓黓舟鼓不可止朋舊相逢嬾相見
張郎十載論膠漆一門國士歡遊行
念我遠適勞筋形攜我山中百壺餞
山浮濃翠染肌膚花亞繁枝明縞練
二儀風霧變斯須已下峰巔猶目眩
連夕燈明酒盪盪夢中不憶身貧賤
大旗十丈卷樓船銅弩千羣驅驛傳
卻看夢醒餘孤舟一望平波去如箭

小孤山

大孤倡披如屢脫小孤崢嶸如角出
兩孤爭奇吾取小直上千尋有雄質
九江東下雷殷殷九天忽落真將軍
舟如單騎偶突過回看樓櫓穿層雲
舟人指點煙鬟峭翠羽金支出祠廟
仰天大笑是虛無卻望彭郎還一笑
彭郎磯與小孤山相對俗稱小姑嫁彭郎蓋誤孤爲姑也

送侯氏五子赴省豫章

雲山漫漫起座隅千里卻向庭闈趨
東辭建業上湖口遠勢欲與青天俱
大江簸蕩驪龍珠一水一雲皆可娛
白鷗驚飛入寒霧中流擊鼓吹笙竽
路經匡廬少躊躕彩翠可與來時殊
撥雲直上問五老丈夫與爾同崎嶇
湖亭轉柁江樓簷一卷奇文壓裘重
弛裘再拜嘉慶畢細數合離顏色動
此時江海遙相望孤城愁見落日黃
天涯應上滕王閣指點浮雲何處長

野人歎

野人歎息中原亂戰馬憑陵歲將半
燕齊杳杳無信來但聞官吏多逃竄
東南財賦如山邱漕河一帶眞咽喉
無計滅之仗天力春深溼契畱不得

野人歎息王師勞秦賊楚賊如蝟毛
攻城掠野官吏死大

江以北民替替昨聞死賊劫財貨分與官軍作賄賂亂所

時章疏皆詛賊為死賊

民頭挂高樹黎明視賊賊已去
野人歎息年歲惡池中掘井井底涸飛蝗引子來蔽天辛
苦將身事田作朝廷加派時時有哭訴官司但搖手歸逢
吏胥狹路邊輒裹快馬行索錢

野人歎息朝無人朝中朋黨如魚鱗十官召對九官默篋
中腰下皆黃銀不知何人理陰陽頻年日倉四海荒我欲
上書詆朝士又恐人呼妄男子

野人歎息江南苦遊手姦民勇虓虎跳向湖心作羣盜公
然持兵劫官府四海已有微風搖鼎魚幕燕防焚燒城中
富兒不憂恤材童名倡雷上客

三弦曲

世上三弦聲促促最愛陸生彈一曲良朋珍重君官來卻

似風弄拾珠玉有時蘊拽吳歛聲含商換羽圓而明百萬
金鈴一時旋兩三黃鸝相鬪鳴有時正宮出其口鐵柱冰
車偏得手塞艸秋枯鷓鴣飛關榆夜落風沙走忽然幽咽
不可言憶在秋浦間清猿一一鶴聲叫明月珊珊環佩遊
湘魂忽然愁絕變為喜如在吳趨萬花裏笑嬾歌慵螻首
娘口吟舌話鴛肩子我問陸生十載弄此技誰擅君誰傳
答言少小愛入骨千生萬軌夜不眠弦調手敬曲能訂以
譜為師以心聽學成彈向大江南翻怪異雞無敢應我聞
生言歎息多萬事真須自琢磨我有一弦挂在壁世無鍾
期當奈何

江南春二首和倪元鎮作

綠芷如粟抽蘆筍絲鴛泛泛金塘靜美人同上木蘭舟弱
袂長鬢嬌弄影春風滿把春妝冷落紅欲沒胭脂井碧桃

花下紫綸巾澹粉樓頭颺素塵鶯歌遲燕語急雙袖能知
淚痕溼落花遊絲互相及搖蕩春光入空碧六代興亡變
陵邑青山無言向人立眼看柳絮飛爲萍有酒不飲將何
營

二月輕花兼嫩筍楊低柳合林中靜春思能生綺陌煙春
風吹動西山影濁酒蒼苔山店冷眼花不識吳王井管時
富貴鳥銜巾今作靈巖山下塵世事多流光急競雨爭風
遊騎溼一片花飛追不及寂寂橫塘春艸碧鳥啼只在舊
吳邑勸君秉燭花間立年來物變如轉萍二豪在側徒營
營

云渡上人別久過訪並示近詩喜而有作

後師別我歲屢改勇割天親住南海黑風羅刹不得侵一
片袈裟作重鎧今年瓢鉢來叩關乃知後也歸吳山爲言

海浪大如屋金毛玉髻何時攀卻到吳山訪耆宿有茅可
誅筍可劓巢烏聒聒競棲簷猛虎依依來暖足以茲卓錫
在山腰忽憶遺民是故交一宿人間桑樹下他年候汝虎
溪橋我聽師言深感歎老我猶歌白石爛欲依佛日未離
家空誤儒冠難靖亂師言此事且勿論畱詩一卷清心神
詩心禪骨良有以得似冰梨沁牙齒江南谷有泐季潭君
步舟人從此始

北客行

皇帝十二年三月□□相載仍北突中樞疏請貶街亭督
府欣同繫南粵艸間有客薊門來問之欲語仍低徊徐言
去年霜艸白□□闌入曹牆隈□□騎駝遍山野雜種崩
騰失真假箭飛柳水不得停礮架紅夷幾曾打畿南山左
五十城城城糜爛如魚羹高陽老罷舊當道格鬪死帶暗

嗚聲可憐儒將身姓盧十年橫槊膽氣麤樂羊名下誦書
滿鉅鹿城南身首殊東省何人逗畱久百年青社俄失守
朝間露布揭天來莫見橫尸遍地有隆準共識高皇孫金
枝化作煩冤根白刃無聲腦塗地盡驅紅袖齊東門介馬
馱馱項領破一線青山容易過官軍向後展黃旗拾得銀
章如斗大傳聞寶坻收難民卻有德王宮裏人龍子龍孫
盡相失城南城北空傷春是時北客言未畢我謝此人休
再述鼻歎爪蒂盡嚙血汚遊魂豈倉卒雒陽地震生白
毛保定空中聞鼓妖□□去兩愁絕天下何日間咸韶
民說官軍能殺我羅尚李特皆不可北門驢馬間更騎大
劍長槍向□□

何孝童詩 有序

孝童名萬京字叔鴻松江俞塘里人幼穎異日誦

數千言其父以貧故不能延師教之然萬京孝友
性成不待教督而自合於善父有疾萬京爲衣不
解帶久之不瘳萬京告於母曰兒將請於天以身
代父之死供養二親有兩兄在其母切禁之然亦
不慮萬京果死也萬京每晨興則向日而拜語刺
刺不休如是者數日父忽謂曰吾疾不可爲矣天
方炎熇亟求布殮我萬京卽號哭出門走家人咸
謂其求布也會天大雷雨萬京薄莫不歸其母忽
憶壽言心動出至溪上得萬京遺履乃知其赴水
死久矣善泗者沒水得其屍腹無勺水眾驚異焉
其宗人學憲君萬化爲作傳惜不載萬京年或曰
年十四五矣予惟萬京之志近乎愚萬京之行近
乎小過使居聖門漸染禮教其爲高柴之流無疑

也或疑萬京死未幾其父亦死何請代而不得邪
夫以周公之聖史稱其齊祓爲質請代武王武王
有瘳後而崩是周公亦終不得代武王也何疑於
萬京蓋萬京之所能爲者人也萬京之所不能爲
者天也予哀其志爲賦何孝童詩將以愧世俗之
不顧父母者焉

何家有童子其年方十餘朝出采梲聊作食莫歸晝荻聊
作書白日高黃泉深郎罷有疾傷兒心淚向黃泉傾身向
白日拜郎罷不痊兒請代走熒熒兮舍西東翻身投水如
投空江魚有情河伯泣孤鐙青凝阿母立精衛亾愚公死
百身莫贖何家子趙苞溫嶠是何人千古煌煌照青史

贈萬寰中鍊師

南昌真人天骨奇虬鬚直視面有威十三工文隸博士二

十仗劔遊京師金師不能留儒服不可羈丹霄路縹緲萬
里登峩眉峩眉老翁憐爾誠天皇一卷披青冥縑帳風葉
葉玉鸞聲琤琤職授星中官名書不死庭朝檄南箕電父
下莫持祕咒龍神驚伐狐破古塚返魂通上清只今蹤跡
遍南國綸巾赤舄人人識或過社樹鬼先逃或立醮壇神
被劾有病不求盧扁醫回天那許京焦測上谷書生吾所
賢生平異事如羊權一符一水俄寂然我驚此事夜無寐
明日從師求學仙

書懷寄侯廣成學使

廬山蒼蒼戛南斗吐雨洩雲無不有公行校士此山崱三
見江風變楊柳公堂晝坐如冰壺鵠袍雅拜爭先趨手植
榎栴作梁棟人言大匠天下無嗟今國風久衰息場屋空
聞日五色翮綵鏤脂也可憐大鸞麤塊何由得文章世變

兩滔滔坐看奴僕擁旌旄赤丸夜探文吏死白羽晝插旄
頭高卻憶成宏比三五政化清平文簡古邱王文樣出詞
林劉謝時才居政府此日英靈可車載豈唯江右生賢輔
雖然皇祖新樸棧要是司持獲矩我今思得公輩數十
人參錯天下如星辰一爲斯文幹元氣再爲海內清風塵

虞山喫虎肉作

猛虎入山山氣惡腥風倒射巖石落兩三村叱不識虎謂
是旄牛未生角扼虎之吭擊虎尾虎驚不及施牙背東海
無煩赤刀制南山已報白額死老夫羈旅春盤空短衣匹
馬行山中坐分羹臠飽欲死拔劍四顧吾何功村叱村叱
莫倉卒儒冠爲爾頻衝髮人間真有猛於虎勸爾拔身依
虎窟

贈武林陸麗京

昨識陸子面今同陸子遊落花一片飛巖幽青壁轟起撩
雙眸飄然長袖凌飛樓風急天高如凜秋葑葑望五湖後鉅
海元氣欲與胸中流君不見山中舊有巫咸墓突兀至今
應有故又不見山中舊有言公祠弦歌寂寞令人思嗟今
世路紛如此臥石飲泉翻可恥古人似此山中雲去到人
間卽爲雨而我刺促胡爲爾書劍無成困泥滓窮廬悲嘯
但聞雞故里浮沈空牧豕以茲來往深山裏鳳歌欲覓桃
花水卻憶西湖上曾躡南屏巔湖山秀色染肌骨綠蘿蒙
羃生紫煙東望錢塘一水不可以徑渡中有巨魚奮鬣摩
蒼天山川雄傑人歸阿陸子坐秉文章權一門國士互唇
齒天下俊傑爭差肩風塵泱泱隔君面愛而不見心茫然
卽今羈旅歡相索大笑高歌露齟齬百軸新文未入秦滿
堂傾蓋如遊維看君畫地成江河立談眞作九邊圖看君

抵掌論文物眾星在天明者月乃知君負英霸才釣魚荷
畚暫徘徊嵩華拔地差足擬羅立小山何有哉攜我琴爲
君撫拔君劍爲我舞酒酣巨壘山影搖共作歌辭歌猛虎
諸同人攜榼來就吾家賀予舉子戲成雜言一章

庭樹婆娑生意發一寸春枝出槎枿龐眉書客報添丁酒
社詩朋日來聒長腰米斗五百錢破竈溼葦寒無煙煙生
鑪中正拔簣播酒三餅攜到宅長魚細菜堆滿席塞破茅
齋憎不得君不見潯陽五柳翁又不見杜陵詩瘦客名父
聲名滿人耳通子驥子無顏色我今老大困泥滓落落長
身唯牧豕後進爭呼丈人行去聲先生祝作商瞿子以茲懷
抱惡無比不望石麟兼鳳背但求郎罷穩稱呼便覺阿囷
勝虫豸侯生張生心相於謂我老蚌真生珠傾筐代作湯
餅集折簡遍致高陽徒坐中夏生吾畏友四十明珠爲我

壽上言嘉慶溢門閭下諶瓊枝映蒲柳我笑酌君一大盆
阮咸與宗人共酌君家虎子已飛奔燒鐙共持蓬筍舞洗
掌獨少犀錢捫忽憶小時劇作惡騎殘竹馬留牆角三十
年來駒過隙又以生男煩合釀生男似我已蹉跎他年男
大當如何三間老屋須教守十角耕牛未厭多與吾元意
表事攜鹿門太早計阿翁懶惰信天公且向醉鄉謀一醉
邑中團練土著侯雍瞻要予偕諸人往觀因集仍貽

堂卽事有作

黃塵直上猛士呼將軍講武城西隅蛇蟠鳥翔八陳圖籠
鎗跪坐翼以趨方圓變化爭斯須惜哉臥龍今世無長刀
直立數十夫一臂能盤丈二及白梃手搏無羸輪校射還
持金僕姑蹋踪分騎生馬駒捷若槁木懸毚毚當軒下馬
意躊躇似惜好手不可孤龐眉書客歎且吁毛錐一把何

爲乎連年闖賊窺楚吳中州百姓遭封屠闌入城牆有□
□懸軍萬里道□□我非閨中靜女姝安得眼豫如鳥烏
疾生長笑捩髭鬚顧謂公等何區區卽今轅門乞援枹雕
青惡少劇虎羆提此十萬蹂□□叩囊底智成哲謨坐中
徐卿勇略殊藏身簾肆同檠株是時技瘡不可拘一躍欲
攫天狼弧侯於江左稱夷吾徐也宿將無豪粗我借三四
高陽徒頗解痛飲提壺盧仍貽堂中櫻筍廚春燈照映紅
珊瑚酒酣仰面看金樞作詩記事傳通都

白鸚鵡歌

西苑中百鳥房有白鸚鵡一隻潔白如雪其首微
帶雜毛慧而善舞唯不肯言巨有飼鳥人日至
萬歲壽則言矣

出自西域遙遙之壠坻來處上林密密之樊籠翠衿紅背

非伴侶鶴鶴白鳥輸光容一語一言能默記聰明學得魚
龍戲舞如綰帶亂翻風停似雪花輕委地我來索語貌閒
閒不是瘖聾不是姦只知天子賜恩澤肯爲有人轉舌關
多少公卿羞見汝帝壽不語人壽語

豪鷹歌

有鷹在百鳥房意氣肥滿蓋久不出獵日飼以肉
而然也此物利在搏擊今旣喪厥勇又靡彼肉於
事有足感者因賦豪鷹歌

豪鷹見鳥如見血一雙老拳能割鐵宮監擎來過細柳伏
兔翔烏那得有不出獵閉深房條鋸一條磨欲斷鷲雀滿
簷戲汝翫翫人嘲鷹是凡鳥不道養鷹病在飽飽鷹鎖著
無風威不如縱去天外飛

虎圈歌

西苑有虎園管神廟憑圈而觀誤墮圈中虎皆驚
伏左右入圈掖上出虎乃起今圈中無虎數年矣
虎圈滿圈外此時平坦坦虎鬚可料尾可履玉輅飛龍虎
如豕奇獸珍禽來九州朝朝西苑望宸遊玉林瑤雪故臺
跡苑有故遼蕭后梳妝臺齒蒼靈波太液舟自□之反豺狼遍奔鯨
鑿齒來畿縣今皇旰食在深宮圈中虎去齋夫空虎來何
偏側虎去還生翼我願虎歸此圈食猪羊不願虎銜人肉
食

賣棗兒

北棗味佳北人願嗜南棗有點者取北棗製以爲
脯詭曰此南棗也北人售之其價什倍北棗

燕山棗樹深棗生纂纂懸赤心懸赤心人不喜謂言南方
棗如瓜仙種傳來勝於此市兒狡獪生大貪卽將北棗呼

爲南剗皮脫核開生面他人得棗皆稱善賣棗兒謂言爾
點爾更癡安得終身挾託不使旁人知

燕姬歎

北人多蓄女子飾其姿首教以歌舞彈碁陸博諸
雜技仕宦者以多金買爲侍兒兒或不樂其主輒
用祕術殺之因轉而之它

燕中姪女顏如玉腰素盈盈纔一束翠翹寶鑿試新妝皓
齒顰蛾矜豔曲工迷下蔡城解貨成都酒盧家小字有人
知陌上使君爭索偶十斛明珠許換歸只言松蘿比心期
流蘇帳開珠箔掩破盡工夫與畫眉何知覲面成捐棄只
買朱顏難買意北邙蕭瑟白楊風盡與春宵酬祕戲東家
寒女方待年眼看琵琶過別船古井波瀾誓不起齟齬歷
齒無人隣

廟鐙二市歌

京師有廟市鐙市一月各兩開開則市聲嘈嘈自朝及夕予欲購杜工部集遍索乃無有豎求它物亦然因笑曰彼固妄有其名也

東城鐙市聲闐闐西城廟市爭摩肩燕姬利屣立不定御史青驄難著鞭經旬盼望只一日明日市門仍寂然東吳儒生羈旅客欲貨珍奇雙手赤那知市貨也尋常只有貂皮與狐腋歸來太息向僮奴東西狂走何其愚憶過豪門真可羨天琛海怪相輝眩遮藏不許路人窺識氣賈胡遙望見

續麗人行次坡公韵題美人照水圖

金塘灩澦秋波長紅蘭葉葉裙帶香美人照水如照鏡自見清眸自斷腸畫師何處傳深意一點靨黃新破睡嬌如

天際下飛鸞水面落花羞靡靡他時日映桑枝寒東方千騎停金鞍在地願爲池沼水只與蛾眉對面看相看眦眦情無底相對終成路荀子君不見漸臺水深鶴駕齊浮槎無路空悲嘯

陶公歸來圖詩次劉靜修先生韵

典午管年逢革除濛濛人表沈康衢陶公歸來手荷鋤一辭足叱騷爲奴致身本期元凱俱滄海漂蕩無黃虞武陵之人有與無柴桑幻出桃源圖容城蘊壁不肖沾千載一士遙相呼哀哉赤狐還黑烏

霜哺篇爲袁節母吳孺人作

附

嗟予不逢兮適此亂離蹙蹙靡騁兮言歸故閭縱觀今古兮俯仰興悲節義皎然兮厥志罔欺女子事人兮德以爲儀一與之齊兮終身以之念茲賢母兮不愧鬢眉殺身何

辭兮睠此兩兒泣血明心兮白首為期凡百君子兮視此
女師

陶菴集卷第十八終

順德龍鳳鑣校采

